



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola XLVIII. Gregorii Papae I. Ad Anthemium Svbdiaconum. Quod mulieres circa monasteria monachorum non maneant, nec pueri ante octodecim annos in monasterio suscipiantur.

urn:nbn:de:hbz:466:1-15221

EPISTOLA XLVII.
GREGORII PAPÆ I.
AD HONORATVM DIACONVM.

De oppositionibus Theodori ducis Sardinia.

Gregorius Honorato diacono.

QVIA regiminis locum licet immeriti suscepimus, oportet vt fratrum nostrorum necessitatibus, in quantum facultas suppetit, occurramus. Ianuarius ergo metropoleos Caralis frater & coepiscopus noster veniens huc in Romanam ciuitatem edocuit nos, Theodorum gloriosum magistrum militum, qui ducatum Sardinia insula suscepisse dignoscitur, multa illic contra piissimorum dominorum iussa peragere, quibus plurima grauamina possessorum, vel ciuium imperii sui, competenti clementia ac mansuetudine submouerunt. Pro qua re volumus vt apto tempore piissimis dominis, iuxta id quod prouinciales predicta insula iuste & competenter postulant, suggeras, dum & antea ad Endacium gloriosum magistrum militum, iam per indictionem septimam tunc ducem Sardinia, sacra imperialia cucurrerunt: quibus omnia praeceperunt graua nunc capitula submoueri, quatenus eorum iussa de pietatis fonte procedentia, a ducibus, quos in tempore praesse contigerit, inconcussa seruentur, mercesque eorum ab administratoribus non debeat dissipari: vt quietam sub imperio clementi dominorum vitam transigant, & consultum, quod subiectis suis tranquilla mente tribuunt, in aduentu aeterni iudicis multiplicata compensatione recipiant.

EPISTOLA XLVIII.
GREGORII PAPÆ I.

AD ANTHEMIVM SVBDIACONVM.

Quod mulieres circa monasteria monachorum non maneant, nec pueri ante octodecim annos in monasterio suscipiantur.

Gregorius Anthemio subdiacono.

SICVT regiminis locum Deo, vt ipsi placuit, disponente suscepimus, ita nos oportet de commissis nobis ani-

mabus esse sollicitos. Comperimus autem in insula Orphitaria, in qua situm beati Petri apostolorum principis oratorium esse dignoscitur, multos virorum cum mulieribus suis diuersorum patrimoniorum illuc pro necessitate feritatis barbaricæ refugisse: quod importunum iudicauimus, vt dum alia refugiorum loca vicina sint, cur ibidem cum monachis debeant mulieres habitare. Propterea præsentii iussione præcipimus experientiæ tuæ, vt a præsentii tempore nullam illic vlterius mulierem, siue ecclesiastici iuris sit, siue cuiuslibet alterius, habitare commanereve permittas, sed refugium sibi cum, sicut prædictum est, tot loca vicina sint, vbi maluerint, ipsi prouideant, vt omnis exinde mulierum conuersatio submoueatur: ne, si quæ in nobis est curam gerere desistamus, atque inimici laqueis obuiare, nos exinde, quod absit, si quid aduersi contigerit, culpabiles existamus. Præsentium itaque latori Felici abbati mille quingentas plumbi libras, de quo in eadem insula egere dignoscitur, dare non differas: quod postmodum, cum totius quantitatis summa noscetur, tuis rationibus imputetur. Ita ergo fac, vt tu ipse prouideas, si in eiusdem insulæ fabrica expendi vtiliter valent. Quia autem dura est in insulis congregatio monachorum, etiam pueros in eisdem monasteriis ante decem & octo annorum tempora suscipi prohibemus. Vel si qui nunc sunt, tua eos experientia auferat, & in Romanam urbem transmittat. Hoc & in Palmaria aliisque insulis te per omnia volumus custodire.

Gra. 20. q. 1.

Ext. de rog. cap. 1.

EPISTOLA XLIX.

GREGORII PAPÆ I.

AD MONACHOS IN CHRISTI MONTE
CONSTITUTOS.

De Orosio abbate suscipiendo.

*Gregorius vniuersis monachis in Christi Monte insula
constitutis.*

PERVENIT ad nos nulla vos monasticæ regulæ præcepta custodire: pro qua re compulsi sumus præsentis præcepti portitorem Orosium abbatem ad vos dirigere, vt omnia acta vestra subtiliter exquirens, quæque ei
recta